

平定兩金川方畧

三

三



平定兩金川方略卷之五十九

四月戊戌。

上諭軍機大臣曰。昨以豐昇額一路。兵力稍單。因傳諭圖思德。令將原備之兵。選派二千。迅速起程前往。今思添調黔兵。原爲協助進勦之勢。若黔兵到時。豐昇額業已攻克日旁等處。進攻勒烏圍。自當令調到之兵。隨其繼進。若日旁尚未攻克。或溫福

阿桂兩處。不拘何路。攻得要隘。帶兵架入。卽當令

此二千黔兵。由彼接續而進。若兩路俱已攻得。則
將黔兵各分一千。相隨續進。以壯聲勢。尤足令賊
番喪膽。而於後路聲援。亦更爲得力。朕偶念及此
事。特爲詳晰諭知。溫福等於黔兵將到時。查何路
急需續進。卽飛檄貴州帶兵之員。令其遄程馳往。
以資實用。

等謹案軍營各路官兵數本不少。惟要路額綽斯甲布一路兵力稍單。是以臣阿格酌請添調黔兵以資合勦。仰蒙我

皇上卽降旨俞允。並令體察情形。或於功噶當噶兩路接續進攻。以資聲勢。厥後木果木有事。所調黔兵適赴西路。分布防禦。軍心遂定。此皆聖謨深遠。默運於事機未形之先。非臣下所能仰窺

萬一也。

同日溫福海蘭察奏言。臣等將昔嶺山峯各碉。

日夜放礮轟打。大半傾倒。其從達扎克角山梁

對面拏卡之處。官兵已逼賊番木柵。前月二十

九日。林箐中突出二百餘賊。來截後路。官兵奮

勇迎戰。殲斃十餘。本月初二日丑刻。前進拏卡。

又有三百餘賊。前來衝突。官兵鏖戰殺退。將及

天明。賊復從旁抄出。官兵兩面合攻。殺死亦多。
現在又挈卡七座。末卡已與賊番木柵相距甚
近。仍每日施放大礮轟打。臣等復查功噶爾拉
山旁。循山尚有小路。從前原擬由此進兵。因雪
大。改道。今雪已漸化。仰蒙

硃筆指畫訓示。卽是此路。又達扎克角山梁。有斜仄
可登一路。臣等共議於昔嶺達扎克角兩處。每

日照舊放礮轟打。一面將各處兵丁。通融抽出
四千。於本月初四日。潛至該處。詳看兩路情形
何路容易。卽由何路進兵。上攻功噶爾拉山口。
下壓喀爾薩爾。奏入。

上嘉之。

壬寅。豐昇額。舒常奏言。臣等前在東北高坡佔

據。建立木柵。高築礮臺。卽將新鑄大礮二位。對

準賊礮轟擊。牆根亦漸傾頽。若卽由此進取。賊番預備抵拒。頗須時日。臣等再三籌畫。並詢之

熟悉路徑土兵。稟稱珠孜寨對面。有路盤旋而上。尙不甚陡。可與大營兩面合攻。臣等親赴珠

孜探看路徑。雖係仰攻。若能繞出背後。自東向

西攻擊。與日旁以西大營。兩面夾攻。似爲有益。

賊番此處一失。其餘礮卡。自然易潰。臣舒常是

日馳回日旁。挑選漢土兵三千五百名。派領隊大臣永平等。於初二日陸續前進。并令達爾圖軍營。同日並舉。以牽賊勢。奏入。

上諭軍機大臣曰。豐昇額等奏稱。現在籌畫分路進兵。合攻要隘。如此悉心籌辦。佇望捷音。近來各路進攻。俱爲冰雪所阻。問之章嘉胡圖克圖云。彼處四月十一日以後。卽不復有雪。茲已交四月半。自

當口就暄和兵力更易施展。溫福等惟當知金川不滅不休。斷無中止之勢。努力圖攻。以成懋績。

甲辰。溫福奏言。臣察看形勢。若由現在烏什哈

達等。攻打之。達扎克角前進。則喀爾薩爾一帶之賊。未經勦洗淨盡。而遽欲順溝西繞。越過昔嶺山腿。雖可通至色爾里寨。但後路實有妨碍。且此路溝深樹密。砍伐固爲費力。焚燒又有難

行。卽攻過賊番大柵。而前抵色爾里。中間尚隔

大寨數處。臣等悉心籌議。與其株守難進之碇

柵。不如覓路突擊其不備之處。現在海蘭察等

已分帶官兵前赴功噶爾拉了口北邊。將前蒙

聖明指示之路。及臣近日所訪由達扎克角斜進之

路。詳加查探。審度機會。同時並舉。使賊不能照

應。若此路官兵攻至喀爾薩爾。則烏什哈達等

所攻木柵。亦可易破。卽或色爾里不能遽到而
大兵一抵喀爾薩爾。從此以東。後路已淨。各路
齊力並進。色爾里亦不難攻取。

同日阿桂明亮奏言。臣等前兩次進攻。本注意

納圍一路。而於六七兩碉。尤爲用力。賊番於此
處必悉力固守。其納扎木一路。或防守稍懈。三
路並進。似可易於得手。因於本月初三日丑刻

分撥官兵漸次潛進。其東面之兵。臨近礮根。石
崖陡峭。潛密魚貫而上。其繞出礮後之兵。因緣
崖一綫。僅能接踵前行。見礮後又有木柵一座。
木柵之下。連接石卡五座。官兵直前。先奪木柵。
攻撲甚急。見有騎馬一賊。帶領二百餘人。前來
救援。中鎗墮地。官兵攻至申刻。礮卡內賊番鎗
礮更緊。勢難卽克。因將兵漸次撤回。我兵亦有

陣亡帶傷者爲數無多均奏入

上諭軍機大臣曰。溫福等奏審度機會。同時並舉。所辦甚好。各處分攻。只須一處得手。其餘自勢如破竹。且了口攻克。則進攻喀爾薩爾。係向下壓。施功較易。而一得喀爾薩爾。後路更可肅清。又阿桂等奏稱。攻勦山梁礮後木柵。當有騎馬賊人。中鎗墮地。其是否頭人。著查明便中覆奏。

同日阿桂奏言。臣查綽斯甲布山險站長。輓輸

不易。雖丹壩之糧運通行。而打箭爐資隆之長

運。仍須協同輓送。適值德爾格忒土司差伊頭

人來至當噶爾拉軍營。臣面飭該頭人傳諭土

司。令其派烏拉以供馱糧之用。茲據按察司李

世傑稟稱。德爾格忒派出烏拉四千。除資隆截

留五百外。其餘三千五百。俱已至打箭爐。一次

即可馱運三千五百石等語。臣查霍爾各土司

內。德爾格忒部落最大。今既首先派出烏拉四千。則此外各土司願出烏拉者必多。且現當青草發生。便於牧放。番人得價受雇。亦必更爲踴躍。奏入。

上嘉之。

丙午。豐昇額舒常奏言。臣等帶領漢土官兵三

千五百名。繞至日旁東面。約定初三日子刻。三路進攻。旋據東路侍衛彰靄報稱。伊等帶兵前進。俱係密林石坎。陡險異常。賊番聚集峰頂。放鎗擲石。官兵連撲數次。勢難驟上。其由北面進攻之侍衛佛倫泰等報稱。官兵乘夜進攻密林內。忽有二三百人突出。攪殺一處。官兵將賊番殺死大半。餘多帶傷滾竄。又提督馬彪等報稱。

初三日黎明時。督催官兵前進。攻賊第四礮。正在砍木填溝。賊番卽由左右兩路。陸續接應。我兵亦分兩翼迎截。殺死賊番二十餘名。因賊漸次加添。難以取勝。卽於巳刻。將官兵土練撤回。此次三處進攻。所有陣亡及受傷漢土弁兵。查明分別。照例咨部。奏入。

上諭軍機大臣曰。豐昇額等奏分兵攻打日旁。雖亦

殲戮賊番。尙不足使賊衆畏懼。至賊旣能分頭來
撲。我兵何不能預爲分頭防截。看來官兵等未能
得進。不免稍懈。豐昇額當設法鼓舞。於激勵之中。
兼寓慰勞之意。使衆皆感激奮勉。以期於事有濟。
不必徒事催迫也。至日旁一路。爲進攻勒烏圍要
隘。自宜上緊攻打。卽或未能速進。而有此兵力牽
綴。亦足分賊番之勢。使之疲於奔命。豐昇額等惟

當相機妥辦。不可稍有退懈。

庚戌溫福海蘭察奏言。臣等議定本月初六日。

於昔嶺達扎克角。功噶爾拉山口。功噶爾拉山
內小路。四處一齊進兵。其侍衛德爾森保等率
兵齊抵礮根。賊番放鎗擲石。防守甚嚴。且地滑
難以駐足。分隊撤回。正緩行間。有二百餘賊。從
樹林內突出。衝截末隊。我兵旋轉合擊。殺死甚

多。餘賊受傷亦衆。臣海蘭察帶領官兵來至功

噶爾拉山口。黎明前進。見有二百餘賊。憑高衝
突。我兵奮擊。殺死無數。頃之復有賊二百餘。自
溝中來截後路。我兵迎敵。亦多傷斃。至達扎克

角地方。臣令副都統烏什哈達等帶兵攻取賊

番木柵。當有小金川降番二名先登柵上。其餘
正欲接續而登。而兩旁灌莽之內。忽有三百餘

賊旋踵而來。其護柵各礮。又皆放鎗擲石。合力
抗拒。暫時難以攻克。將兵徐徐撤回。奏入。

上諭軍機大臣曰。溫福等奏官兵攻取木城時。有小
金川番兵二名。先登上柵。甚屬可嘉。如此何以官
兵反不能上登。此二兵究竟如何。或登城爲賊所
害。或並無妨礙出來。摺內並未聲明。朕深爲軫念。
著查明覆奏。

同日。

上又諭軍機大臣曰。溫福等仰攻昔嶺。現既無隙可乘。卽分兵夾擊。亦屬無益。且兵數既分。不免單弱。自當併力攻勦木柵。則聲勢旣盛。攻取自易爲力。况木柵佔在山坡。地勢尚屬平坦。一取木柵。卽可直撲喀爾薩爾。雖賊番堅守昔嶺。亦不足慮。或賊衆見我攻得木柵。由昔嶺出而襲我。正可乘其蜂

擁而來。預先派兵掩擊。截其歸路。著傳諭溫福詳酌妥辦。

同日溫福奏言。查屯兵善走山路。與土兵無異。因其籍隸流官。不肯自儕於番衆。實軍營最爲得力之兵。臣不惜從優獎賞。其本係額內弁員。卽予加陞職銜。亦有本屬兵練遇事奮勉者。卽賞土職。給與委牌。以示鼓勵。酌兩年以來受傷

遣回調理者較別項兵丁獨多。則其盡力已可概見。近據該土弁等將得傷遣回已經全愈者復令赴營。計有九十餘名。卽此更見伊等

感激

國恩。冀圖報効。緣伊等原係雜谷土司蒼旺所轄之人。前屬土司時。差使繁重苦累。自改土歸屯以來。無事爲民。旣得自安耕作。有事爲兵。亦得支

領鹽糧。其隨營著有勞績者。復得疊邀頂帶之
榮。賞卹之渥。故其踴躍思奮。出自誠心。

同日溫福又奏言。查近日到營之米。多係商運。

臣
欽奉

諭旨。將立定章程。稽查辦理之處。現在札商兩督。
臣

定議會

奏。至軍營各官兵應支口糧。僅敷日食。實無餘米。

可售。臣仍當時爲嚴密訪查。不敢稍有懈忽。均奏入。

上又諭軍機大臣曰。溫福覆奏屯兵在軍營。實屬得用。自當逾格拔擢。若僅予獎賞加銜。尚不足示鼓勵。屯兵旣籍隸流官。卽與綠營相仿。嗣後各路將軍等。攻勦卡碉。屯兵中如有實在出衆者。卽以綠營千把外委等缺。拔補一二人。使其倍加感奮。於

軍務更爲有益。至所稱軍營運糧之事，乃總督專責。著交劉秉恬、富勒渾留心查察。如有在營收買餘米之人，卽隨時嚴加懲治。以儆其餘，勿使稍滋奸弊。如或視爲具文，致商人等不知畏懼，別經查出，惟劉秉恬、富勒渾是問。

辛亥。阿桂奏言。四月初九日。接准

上諭。查屯練原係雜谷番人。自誅滅雜谷土司蒼旺。

之後。將其地分爲梭磨。從噶克卓克。采三土司。又將附近雜谷。腦之五大寨。不立土司。改設屯練三千。隸維州協管轄。伊等人本驍勁。又自詡爲

大皇帝番民。不屑與土兵爲伍。故於打仗之處。較爲出力。但該屯練等。既有應納之糧。而三千餘名之兵弁。一年犒賞所得。總計不過數百兩。尚不

足以深結其心。且自進剿以來。陣傷亡故者頗

多。情殊可憫。以臣愚昧之見。若於內地營分內。

量加裁汰。卽以所省糧餉。每屯練一名。月給銀

五錢。土都司守備千把外委。亦以次量給月餉。

計所裁不過守兵一千三百餘名。而屯兵得邀

格外長年賞賚。更可以堅其心而收其力。奏入。

上諭內閣曰。現在隨征屯兵。勇往爭先。歷著勞績。但

平定兩省元方畧卷之五
五
念該屯兵等每年所得犒賞有限。著加恩每屯練
一名。月給銀五錢。其土都司守備千把外委。亦以
次量給月餉。用示體恤。其作何定數增給之處。著
劉秉恬。富勒渾。會商妥議奏聞。

同日阿桂又奏言。臣查川省徼外。山險路窄。豈

容以業經運出之糧。一任奸商轉買。交官充數。

上年。臣於綽斯甲布土兵。因其尚在本境。所有

應支口糧議令半本半折此固因糧運艱難起

見亦以防贏餘私賣之弊今自去春以來軍儲

無缺商運之力爲多但以數十萬石之糧運至

數十站之遠其間原不能無弊臣前於乾隆十

二三年間卽聞有兌收商運站員因斛面稍有

贏餘遂與奸商私相貿易卽以站上所餘之數

作爲商人應交之數臣從中射利者現在雖無

所見聞。而既有木池盤獲奸商之事。則此外各
路。不能保其必無。嗣後惟在總辦糧務之大員
及督臣於打箭爐。木坪。桃關。雜谷。腦等出口之
處。特派文武專員。不時稽察。按月出結具報。則
奸商自無從覓售。而站員亦斷難滋弊。奏入。

上諭軍機大臣曰。阿桂等奏稱。前於乾隆十二三年
間。即聞有兌收商運站員。因斛面稍有贏餘。遂與

奸商私相貿易。從中射利者。各路將軍。皆帶兵進
勦。豈復能分心查辦此事。昨因溫福奏及奸商收
買跟役等餘米。已諭交劉秉恬。富勒渾。留心查辦。
今阿桂所奏之言。則更係大弊。該督等尤不可不
切實訪查。從重究治。

壬子。豐昇額。舒常奏言。查近日賊番。碣座石墻。
被大礮轟摧殘燬。見內有木植縱橫堆垛。必須

用火燃燒。方能有濟。而連日大雨如注。木植透濕。臣等悉心籌畫。若由正面前次所建之木柵。

向前再進。賊番雖以亂木橫護。而大礮愈近。愈

爲有力。臣等督令兵丁。砍伐木植。於本月初九

日。冒雨前進立柵。一面令官兵分布以防侵擾。

一面令官兵各負貯土口袋。堆垛以爲護鎗之具。賊番惟在礮卡內放鎗死守。亥刻後。約有二

三百賊。從南北坡旁。兩股撲上。均爲分布官兵
擊敗。殺死約有數十。餘俱滾竄。至次日辰刻。卽
將木柵立成。俟天氣晴霽。或用火燒。或不拘晝
夜。乘其不備。潛往襲取。奏入。

上諭軍機大臣曰。賊番等守拒要隘。於礮眼放鎗抵
禦。雖所用火藥。不及官軍鎗礮施放之多。但爲時
已久。安得如許火藥供用。恐係隨營土練等。私自

賣給賊中軍中火藥。關係最要。各兵支領之藥。或有餘存。不可令其偷給土練等。轉售賊中。著溫福阿桂等。悉心妥酌具奏。

丁巳。溫福海蘭察奏言。臣等自達扎克角山梁

進至附近賊番木柵之地。造立礮臺轟擊。又潛越賊番木柵。分立卡座。本月十五日早間。樹林內有賊百餘。分爲三路。前來侵擾。經烏什哈達

阿爾蘇納等帶兵攻擊。殺死十餘。又十六日亥

刻。賊由大樹林內匍匐前來。衝犯礮臺。官兵四

面迎擊。殺死多賊。又本月十三日。總兵牛天畀

報稱。初十日戌刻。天陰霧大。功噶爾拉山口。有

賊三四百人。已奪南首山梁末卡。正在攻圍其

次卡座。官兵前進接應。內外合攻。殺死二十餘

賊。餘皆四散奔潰。其所奪卡。復爲我兵佔住。臣

等查功噶爾拉山口及昔嶺達扎克角俱係賊
番抵死堵禦之處。今敢乘夜侵擾。更爲可恨。臣
等每日用礮轟擊賊番木柵。以及碉卡斜牆。視
何處有機可乘。卽行進攻。奏入。

上諭軍機大臣曰。溫福等奏稱。賊衆數來侵襲。累次
接戰。俱僅殺賊十餘。賊番旣出深叢。往來猖獗。我
兵何不奮勇洗殺。卽使狹險難進。綠營兵於此有

所弗能現。有索倫額魯特及土練等兵。溫福等何不用之。著傳諭溫福阿桂等。務各相機籌辦。以期痛剿。

同日。

上諭內閣曰。前因李煦捏報軍情。降旨將伊革職審訊。其貴州提督員缺。諭令溫福等於隨營出力之總兵內。揀員陞補。今據溫福奏。以川北鎮總兵牛

天畀。暫署貴州提督事務。牛天畀著陞署貴州提督。所有在營黔兵。卽令統領管轄。

五月己未。

上諭內閣曰。進勦金川官兵內。間有陣亡傷亡者。雖經交部從優議卹。但伊等俱歿於王事。而所遺家口。養贍無資。著交各督撫提鎮查明。如有子弟。卽令頂補名糧。其並無子弟。親老丁單者。給與半餉。

以示體恤。該部卽遵諭行。

庚申。豐昇額舒常奏言。

臣

等建立木柵。逼近賊

碕。於十七日夜潛進。至十八日丑刻。賊番密從

箐林抄出。官兵俟其將近。鎗礮齊施。殺死六七

十人。餘皆奔竄。官兵緊追。賊番逃躲無路。多有

跌落陡坡崖下者。黎明。拏成木柵一座。更與碕

卡逼近。賊番因被痛殲。俱匿碕內濠中。死守不

敢露形。奏入。

上諭曰。勉力前進。佇候捷音。

辛酉。阿桂。明亮。奏言。臣等旬日以來。察看賊番。

因屢次潛匿林箐。均被官兵設伏截殺。是以附

近處所。不敢前來。惟距大營稍遠。深林複嶂。官

兵不及望見之地。尚有窺探踪跡。臣等派撥漢

土官兵。分隊潛往。散布於山坳林莽。遇賊卽殲。

茲據小金川降番頭人阿咱拉回稱十五日越

過山梁。直至喀爾薩爾對過之沙圖角地方。遇

有打柴兩賊。當將一賊俘縛。其一賊踉蹌逃去。

時值大霧。林中突出賊番二三十名。前來接應。

思欲奪回。當被官兵等將所縛之賊殺死。其接

應之賊亦被鎗擊死四名。餘俱竄去。臣等查當

噶爾拉山梁。綿亘二三十里。官兵所設營壘處。

平定回疆方略卷之五十九
三
處與賊碉相對。東通功噶爾拉。喀爾薩爾。西通
克舟九寨。均有賊碉。林立據守。此等山嶺之上。

溝澗之旁。均須分兵駐守。如有兵三四千名。連
營而下。層層接應。繞出賊碉後。則賊必不能固

守。又_臣等體察賊情。此兩三月以來。不過因雨

雪過多。官兵難於行走。得以稍延殘喘。其實此
一道山梁。地勢延長。萬萬不能久爲支禦。而以

臣等自揣亦必能卽從此攻壓前進。一俟雨雪停止。自可尅期深入。奏入報

聞。

平定兩金川方略卷六十

五月甲子。溫福海蘭察奏言。臣等於本月十九

日。領兵遶過木柵。前進夾攻。賊番於十九二十

等日。潛出滋擾。均被官兵戮殺多人。望風奔竄。

從此又立九柵。至達扎克角官兵往返二十餘

里。下溝取水甚艱。茲於二十一日。見賊番卽在

木柵前取水。官兵齊出衝擊。殺死守泉賊衆。因

卽占得此泉。現今取水甚便。至二十三日昧爽。
臣等分兵兩路。直至賊番所挖深溝之上。賊番
驚覺。從孔穴中擲放鎗石。昔嶺上又有救援賊
番。迤邐而下。爲官兵大礮擊回。其溝內擁出之
賊。亦被官兵奮勇截殺。四散奔逃。頭等侍衛巴
雅爾。藍翎侍衛岱森保。被傷。俱各無碍。奏入。

上諭軍機大臣曰。溫福等奏稱攻取昔嶺情形。及奪

獲達扎克角水泉。所有受傷之頭等侍衛巴雅爾。著賞給副都統銜。藍翎侍衛岱森保。著授爲三等侍衛。再賊衆恃其碉卡堅固。敢與我軍抗拒。實爲可恨。但山勢旣險。又遇雨霧。我兵旣不能前進。而賊番又匿於碉卡之內。雖鎗礮擊轟。徒費鉛藥。不如虛爲進取之勢。且令我兵稍爲休息。遇有機會。突然進勦。方於事機有益。

同日。

上諭內閣曰。阿爾蘇納頭等侍衛員缺。著伊里布補授。伊里布所遺二等侍衛員缺。著新達蘇補授。新達蘇所遺三等侍衛員缺。著岱森保補授。其岱森保所遺藍翎侍衛員缺。著達蘭泰補授。

同日。豐昇額舒常奏言。臣等察看賊碉。已被犬

礮摧毀。僅恃木植堆積。藏匿拒守。惟是近日陰

雨晝夜淋漓。臣等不勝焦急。卽於二十一日。選

派官兵。戌刻潛赴新孛木柵。至二十二日丑刻。

雨中突然撲出。賊番知覺。雖不敢露身抗拒。均

於礮卡孔穴之內。放鎗擲石。甚爲緊密。臣等督

催官兵。撲至木植堆積之處。拋擲火彈。因木植

沾濕。不能燃燒。遂明撤前隊官兵。而潛令繼進

官兵。繞往賊番礮後。覓路爬登。又令官兵將大

礮鎗箭預爲齊備。賊番希圖衝壓。一齊撲出。官兵施放連環。擊斃約有三十餘人。

同日。鄂寶奏言。四月十三日戌刻。覺木交地方。有夾壩潛來。該哨兵丁知覺。合力往追。賊卽繞林而去。逃遁無踪。臣親往查勘。該處山勢險仄。林樹叢深。是以賊番敢於前來。若將林木砍伐。則難以潛踪。我兵亦易瞭望。因派撥兵夫。將緊

要處所。併力芟除。仍飭令哨兵加意防範。不得
稍有疎懈。奏入。報

聞。

丁卯。阿桂明亮奏言。當噶爾拉山梁。自二十一
日以後。雲霧迷漫。大雨滂沱。至二十六日晚。始
見開朗。賊番卽於亥刻後。潛來侵擾。革布什咱
營盤。土兵先已望見。滅火靜候。俟其來近。突然

衝殺。賊俱踉蹌奔竄。因黑夜打仗。未知殺賊多少。二十七日卯刻。臣等又令前敵各官兵預爲

埋伏。而令革布什咱土兵由南面山溝內潛繞至東面大崖之下。賊見兵無後繼。蜂擁而出。山梁各礮內賊人亦出礮下壓。革布什咱土兵回身接仗。而預伏官兵亦突起截殺。共斃二十餘人。餘賊仍竄入礮內死守。

同日阿桂又奏言竊臣於四川邊外各土司及

金川賊番光景兩載以來日夜通盤籌算金川
獷悍性成實有不可不辦之勢况金川賊衆此
時已儘數出兵鎗礮所傷日少一日又加以綽
斯甲布三雜谷巴旺布拉克底諸土司斷絕往
來與十二三年間情形迥別且賊衆均已出兵
婦女又須背運必不能多種莊稼則口糧更當

深爲厯念。又阿桂奏覆征勦金川一事。現在既有
必不可不辦之勢。又無不能辦之形。所見甚是。帝
王固以仁育爲量。若當不得已而用兵。則義正卽
所以成仁。豈可專務煦嫗。流爲姑息。至現在府庫
充盈。前後所撥軍需。至二千四百萬兩。而庫貯尚
有七千餘萬。此時惟期勦滅金川。爲衆番除害。以
奠邊隅。卽多費軍需。亦所不惜。溫福等當深體朕

意。俾衆將士及各土司。咸得聞知。共相奮勉。迅奏
膚功。以膺懋賞。

同日。劉秉恬奏言。三路軍營土兵。隨營進勦。服
色與金川賊衆相同。自應給與號衣。使一望而
知。稽查甚易。至屯兵一項。雖與漢兵不同。究與
土兵有間。應每名各賞給紅面藍裏短挂。背後
填寫該兵姓名。如此不特易於識別。亦且行伍

整齊。足以壯聲威。而便勦擊。現飭軍需局上緊製辦。分解給發。俾各土兵等服色一新。益勵其敬順急公之志。自必倍加鼓舞。奏入。

上嘉之。

同日。劉秉恬又奏言。臣察看當噶爾拉山梁一

道。自東而西。綿亘約數十里。我兵現已佔據山梁。所駐營盤。與賊番碉卡相間。雖仍抵死相持。

其勢已不能聯絡。若再攻得數礮。便可掃淨山梁。易於得手。至去歲由僧格宗至美諾。山徑逼仄。最險之處。步行亦須牽挽。經臣

奏明派員修治。並將道路改至河西。現在人馬往來通行。全無阻隔。奏入。報

聞。

已已。豐昇額舒常奏言。臣等於二十四日夜。派

出前隊官兵。從新拏木柵之內。各執火彈柴捆。撲至頭層溝邊。砍斷外欄。卽將柴捆填塞。爭先過溝。拋擲火彈。燒其堆積木植。因被久雨濕透。不能焚燒。而奮勇兵丁。已將所堆之木。或掀或拆。踴躍騰上。但木堆內。又有深濶溝濠一道。底積淤泥。未能徑越。官兵鎗箭密施。良久見賊番立斃受傷者甚多。但賊在溝內。放鎗擲石。我兵

排列明處。不無損傷。且時已至午。雨無霽象。而賊番匿身死守。是以將兵撤回。此次接仗侍衛明仁。腮受鎗傷。其餘陣亡及受傷漢土弁兵。照例咨部奏入。

上諭內閣曰。豐昇額等奏稱。攻擊賊碉。二侍衛明仁受傷。著補授頭等侍衛。

上又諭軍機大臣曰。各路節次所奏情形。俱有賊番

辛未。

上諭內閣曰。現在三路進攻金川。節次撥過軍需銀二千四百萬兩。約計十月間。尚足敷用。但寬裕儲備。更爲有益。著戶部再撥庫銀五百萬兩。解川存貯備用。

同日。溫福海蘭察奏言。二十八日丑刻。有三四百賊番來犯新豎木柵。臣等先已於兩旁設伏。

至是伏兵齊出。殺賊甚多。今共建木柵七座。礮臺一座。攻打賊番石牆。比前較近。賊番盡聚此處防守。二十九日戌刻。有賊百餘由北溝來犯。前哨木柵數次。俱被官兵擊敗。再副都統阿爾蘇納等。駐兵建造木柵。二十八九兩日。有賊番三四百名。屢次來衝。被官兵殺死甚衆。又總兵牛天昇報稱。四月二十七日子刻。有賊百餘由

功噶爾拉山後。犯我木柵。官兵殺賊十數名。餘
俱被傷奔竄。奏入。報

聞。

癸酉阿桂劉秉恬奏言。德爾格忒土司魯珠布
甲木錯。遣其頭人色楞等來。稱我土司自來恭
順。今各土司俱受

大皇帝深恩。賞給名號花翎。我土司亦求將軍轉懇

天恩等語。臣等查德爾格忒現有土兵五百名。備轉

運軍糧之用。又派烏拉四千頭以資馱載。頗見
急公。伊係霍爾諸部落中最大土司。今懇

賜名號花翎。情詞諄切。如蒙

特予榮施。該土司必倍加奮勉。

同日。劉秉恬奏言。簇拉角克坐卡兵丁。盤獲梭
磨回巢番民阿綳一名。又卓克采回巢番民納

木喀鄂特德爾二名。共帶有大小鉛丸四百一
顆。鉛餅兩塊。臣當卽親提嚴訊。鉛丸爲軍火要
器。豈容番民等任意攜回。旣經查拏。自難寬縱。
但無賣與金川實跡。因將各番嚴行看守。譯諭
該土司等自行議罪。俾所屬番民共聞共見。卽
各處土兵。應必共知儆懼。均奏入。

上諭軍機大臣曰。阿桂。劉秉恬。會奏德爾格忒土司

請賞給花翎名號。德爾格忒不過辦運烏拉。乃土

司職分之常。若遽加優賞。與陷陣衝鋒者相等。未

免漫無區別。且前此紅教喇嘛。縱令在夾爾塘居

住滋事。尚未辦及。當傳諭該土司。如能將紅教喇

嘛嚴行管束。永不往滇滋生事釁。庶見爾誠心恭

順。或可奏聞大皇帝施恩。此時不便卽爲瀆奏。如

此方爲正辦。又劉秉恬奏盤獲梭磨卓克采回巢

番民三名。帶有鉛丸鉛餅。令該土司等自行議罪等語。所辦過於姑息。此等關係軍火重情。敢於違犯。皆當決不待時。卽或念土司等恭順出力。亦當諭以例禁甚嚴。不能獨爲番民輕減。使之益切畏懷。豈宜稍事遷就。

同日博清額。劉秉恬奏言。查功噶爾拉營卡。被賊搶劫。李煦常保住。捏報係小金川鄂克什換

班無賴窮番乘夜滋事一案。臣等委令牛天昇

等就近提訊當日在卡弁兵據稱三月初三四

日前後並無小金川鄂克什換班之人且賊人

內半穿白色衣服頭髮俱長似是金川賊衆查

失事地方對面山梁賊卡可下之處頗多或乘

黑夜搶劫亦情理所有等語。臣等復質訊失事

卡內防禦德祿等俱與牛天昇所訊相符質之

李煦常保住。惟有叩頭認罪。不能置辯。查律載
守邊將帥。不將實在情形具奏。玩視軍情者。擬
斬立決。應請

旨將李煦常保住卽行正法。奏入。

上諭軍機大臣曰。博清額。劉秉恬奏。查審李煦常保
住一案。僅憑總兵牛天昇所查情節。並防禦德祿
等供詞。究係揆度之詞。朕斷不肯以莫須有之事。

遽加二人以重辟。李煦等罪名不在賊番搶劫營卡。而在事後捏報賊番偷劫營寨。本其長技。若李煦等據實報出。其過止於踈忽。且據稱查得閏三月初三四日前後。並無小金川換班之人。以此嚴切詰責。令李煦等切實供明。使之毫無疑義。然後可定罪名。博清額著再會同劉秉恬審明具奏。

乙亥。豐昇額舒常奏言。臣等思宜喜日旁皆金

川緊要隘口。賊番抵死拒守。若待相機而動。徒
延時日。現在節近端陽。各土兵皆知爲內地佳

節。臣等議於初四日夜間。密派官兵。於初五日

黎明。潛往進攻。可以擊其不備。再提督馬彪等

稱。宜喜軍營。逐日取柴汲水。恐其路遇夾壩。每

令兵丁先行巡哨。茲於二十七日。見林內有二

百餘賊。卽時接仗。殺死十數人等語。奏入。

上諭軍機大臣曰。豐昇額舒常奏稱現在相機攻取。亦只可如此辦理。前經傳諭調撥黔兵二千。原因豐昇額等一路兵少。是以添派。今思此路似難急進。卽多兵恐亦無益。著豐昇額於黔兵到營後。卽行奏聞。再春寧今日到熱河。詢及軍營形勢。據奏溫福所立營處。相距賊碉不遠。柵內礮子竟可打到等語。甚屬非宜。將軍膺專閫重寄。關係甚大。卽

身先士卒。不過親履行間。指揮策應。不當與前茅
一律先驅。爲衝鋒陷陣之事。至於不避矢石冒險
直前。在弁兵等自當鼓其勇銳之氣。然亦應權其
利害。卽領隊尚不可令輕有損傷。况將軍乎。溫福
一路如此。恐他路亦然。溫福阿桂豐昇額等凡一
切進攻事宜。留心加慎。須於奮勇一往之中。仍存
慎重萬全之意。

臣等謹按將帥任膺專闢自當躬先士卒以勵赴桓而鼓其勇銳。尤必權其利害。伏讀

聖諭。因溫福一路立營逼近賊壩。慮及他路。明切

訓誡。務出萬全。使溫福等能恪遵

勝算。何至有木果木之失事。而

睿慮所周。一籌策而仁智勇兼備。則又在事諸臣。莫能仰窺萬一者矣。

丙子。阿桂。明亮。奏言。臣等查西山梁第三礮山

陰之下。有山腿一道。賊番連擊木柵石卡。直接

梁上大礮。互爲應援。防守甚密。但攻得此處礮

柵。餘皆不能固守。因派撥漢土兵丁。分爲四路。

於初二日丑刻。潛行進發。至卯辰之間。雨勢大

作。徑陡泥滑。因令官兵徐撤。其納札木官兵撤

回之時。有賊二三十人。出礮衝壓。當被官兵擊

斃數人。餘仍入礮死守。至初三日。有百餘賊出

礮下壓。

臣

等派兵分爲兩翼。抄出賊後奮擊。亦

斃數人。賊始奔竄。初五日。度賊番以爲節屆端

午。大兵必不前來攻撲。或可乘其不備。當派各

路官兵。奮力前進。過濠直至礮根。其侍衛科瑪

所帶官兵。並用刀斧。將木柵砍斷一角。推倒石

牆。衆兵一擁而入。立將頭人砍死。餘賊悉行殲

平定回疆方略卷之六
七
戮。生擒賊番六名。殺死四十三名。官兵勇氣倍
加。乘勢攻撲相連石卡。復殺賊二十餘人。其山
陰林箐中藏匿之賊。約有三四百人。分作五路。
捨死來援。我兵分頭迎擊。賊番力不能支。遂竄
入碉柵之內。併力死守。鎗石如雨。勢難遽克。官
兵以次撤回。至撤兵時。有二十餘賊。出碉奔至
壕邊。官兵鎗箭齊發。立斃一半。餘賊欲拖尸回

去。有貴州把總張順獨白躍過濠溝。用矛刺死
一賊。復拔刀手砍一賊。餘賊皆遁入碉。查賊番
於此各碉。寔爲盡力死守。而我兵因奮勇直前。
得以多行殲戮。稍覺稱快。此次陣亡虎鎗營前
鋒官德一員。受傷藍翎侍衛額魯特袞楚克。空
藍翎額魯特阿爾查鄂爾哲伊。貴州守備詹玉
書瑚圖禮共五員。奏入。

上諭內閣曰。阿桂奏稱。此次帶兵攻奪卡柵。戮殺賊
衆。所有出力奮勉之三等侍衛科瑪。著補授二等
侍衛。藍翎侍衛袞楚克。著補授三等侍衛。空藍翎
額魯特。阿爾查鄂爾哲伊。俱著補授藍翎侍衛。至
虎鎗營前鋒官德陣亡。著交該部照藍翎侍衛例
議卹。

上又諭內閣曰。貴州把總張順。於鎗石如雨之時。躍

過濠溝。連殺二賊。實爲奮勇出色。著卽授爲千總。
又守備詹玉書。瑚圖禮。因攻勦碉卡受傷。俱著加
恩以都司陞用。

同日阿桂明亮奏言。竊_臣等接奉

廷寄。查金川地方。硝非難得。惟不能處處產磺。前
年金川侵佔革布什咱。其境內之默資溝。爲出
磺之地。賊酋遣人刨挖甚多。製配火藥。則其存

積自未用完。至屯練。士兵軍器。刀矛擊刺。固其所長。而烏鎗更爲素習。出入必攜之。以行。施放

頗爲有準。此時若遽令其不用烏鎗。不但番衆生疑。而伊等於攻奪碉卡之處。止能短接而不能及遠。轉恐難以得力。但防範不可不嚴。臣等

復飭將弁。益加設法嚴防。又飭令駐扎吉地之副將鄭國卿。將默資溝地方。時刻嚴查。不許一

人私挖。如有透漏。嚴查治罪。奏入。

上諭軍機大臣曰。前此因軍營火藥。關係緊要。恐番衆私相售賣。諭知各路將軍。此後土兵毋庸給與鳥鎗。今據阿桂奏。所見亦是。此事原當慎之於始。從前既已遍給。此刻自難復改。溫福等各路。均仍照舊辦理。但須留心實力嚴查。不可泥於土兵愛惜鉛藥之一言。遂爾漫不經意。致令私售作奸。

同日阿桂明亮奏言查當噶爾拉一帶山溝林
箐深密。四月三十日早間。大霧迷漫。有賊十數
人。潛放夾壩。官兵久經預備。俟賊將近。上前迎
擊。鎗傷數賊。餘俱驚駭。踉蹌而去。其占朋一名。
被屯練拏獲。屢經嚴鞫。據稱四月內官兵來打
山梁礮卡。有思都克覺寨頭人溫布薩爾嘉。被
官兵鎗傷墜馬。衆人救回等語。臣等查四月初

間打仗。中鎗墮馬賊人。仰蒙

諭旨垂詢。正在查訪。茲據賊番供係溫布薩爾嘉。是
金川最會打仗頭人。奏入。

上嘉之。

丁丑。

上諭軍機大臣曰。前據各路軍營。查奏節次逃兵。隨
交富勒渾上緊查拏。茲據富勒渾奏稱。現據各屬

平定回疆方略卷之六
三

拏獲二十名。是各處逃兵。俱可陸續就獲。斷不致
漏網稽誅。而已經弋獲之犯。軍紀所係。法在必申。
亦不能因人數稍多。曲爲寬減。隨征兵衆聞之。自
應各知畏懼。現在各路有無續報脫逃。溫福。阿桂。
豐昇額等。一併查明。據實覆奏。

平定兩金川方略卷之六十一

五月戊寅。

上諭軍機大臣曰。各路軍營隨征土兵。雖亦常得其力。但究係番衆。難於深信。伊等不過隨官軍一體出力。特以番人効力。因而逾格撫循。斷不可稍露一切專仗土兵之意。使若輩驕矜。視官軍爲不足畏。況每次攻勦時。率衆爭先。原不專藉各土司兵。

練將軍分路派兵。須酌量配搭而用。勿使伊等自負其能。又不宜漏洩端倪。令涉疑猜。怠於勇往。此事甚有關係。不可不加意審慎。又前經降旨。將屯兵增給月餉。均知感激奮勉。伊等原係降番改隸。與兩金川言語相通。何不於中擇其曉事數人。諭將伊等受恩之處。作爲屯兵之意。傳播賊中。可以離散衆心。俾無固守之志。或亦用間攻心之一策。

著傳諭溫福等知之。

臣等謹按雜谷腦屯兵原係番人自改隸屯伍。復增給月糧。幾與內地綠營無異。在番人見小貪得。感激思奮。雖亦稍資其力。而率先鼓勇。原仗我官兵聲勢。豈可使之稍萌得意。尤不可因此令涉疑猜。伏讀。

訓旨曉示機宜。至周且悉。又卽屯兵受恩之深。施用

間攻心之策。俾舊隸者爭先用命。而未降者
慕順傾心。益以仰

聖神之妙用無遺也。

辛巳。溫福海蘭察奏言。臣等思達扎克角一處。

與昔嶺賊番互為救援。必須兩面進兵。則賊番
不能策應。是以公同商議。於初七日丑刻。將攻
取達扎克角之兵。分為三路。其攻取昔嶺各礮

之兵。亦於是日丑刻。各抵派定所攻之地。其由
昔嶺左首進攻者。逼近礮外溝邊。賊番並未知
覺。我兵拋進火礮。燒斃多人。其出而拒敵之賊。
殺死無數。比及天明。大雨如注。正在徐收各路
之兵。右首溝內。有賊數百。來截後路。我兵迎戰。
擊死亦多。餘向樹林奔逸。

同日。豐昇額舒常奏言。臣等於初五日子刻。督

兵分隊潛攻。將至半途。賊已知覺。放鎗擲石甚
緊。臣等以久持無益。將正路官兵先行撤回。有
百餘賊由山梁北邊繞下。計圖追躡。卽被林內
預備官兵殺死十數人。餘俱逃竄。又提督馬彪
等稱。是日密派兵前往放哨。一進林內。忽聞山
梁礮響。約有四百餘賊。來將弁兵圍住。該將弁
等放鎗拒戰。正在極力相持。馬彪卽派兵丁接

應衝散賊人。殺死三十餘名。均奏入。

上諭軍機大臣曰。溫福豐昇額等奏派兵進攻情形。均未得手。且兩處俱有賊番潛出林箐。邀截我兵。實爲可恨。金川人戶無多。各隘守拒。已覺竭蹶。焉得復有餘衆。每處四五百人。出而滋擾。似係守拒之賊。見何處攻擊稍疎。抽移外出。分力支吾。看來金川賊衆。竟有算計。不但守碉截戰。較小金川悍

惡且敢於到處抗拒王師。比之緬賊更堪切齒。但其地縱多雨雪。晴日自長。並非似緬地之水土惡劣。難於措手。若欲如緬事之中輟。斷乎不能。亦斷乎不可。將軍等其深體而實勉之。

乙酉。阿桂明亮奏言。臣等查當噶爾拉一路。漢

土官兵本有萬餘。但現除陣亡病故之外。其養傷患病者。已有千餘。而後路綿長。處處皆須防

範此時實無可抽撥。臣等每次打仗。極力酌撤。

不過得兵三四千名。今若從山梁中間。連營而

下。則打仗之兵甚少。防範之處愈多。轉與攻勦

無益。臣等思當噶爾拉一路。實為可用多兵之

地。果其兵力充裕。臣等一路。竭力奮攻。亦能

早為深入。但現在各路所調官兵。為數已多。若

再請調。未免仰煩。

聖慮。是以未敢遽行。瀆

奏。奏入。

上諭軍機大臣曰。阿桂等奏稱當噶爾拉一路。後路綿長。處處皆需防範。其說不免過當。後路固須留心防守。然亦宜擇最要之處。酌量安兵。況深巖密箐之中。賊番可通路徑甚多。豈能隨地密爲分布。以金川壤地計之。周圍不下三四百里。若欲悉派

兵圍守。必至如古人動輒用兵百餘萬及數十萬而後足敷分派。有是理乎。再近因辦理四庫全書所閱永樂大典。見其中有宋陳規守城錄一書。備載守禦機宜。所言禦捍礮石之法甚詳。雖攻守不同。而禦捍則一。但彼施之於城上。故可用大木。我兵步行捍蔽。自以輕便爲宜。從前該省原有撫牌一項。或製造未能得法。今此書所載。以麻繩橫編。

如荆竹筴相似。頗得以柔禦剛之法。或可酌倣爲之。著將書載各條。抄寄各路將軍等閱看。將來攻至噶拉依及勒烏圍兩處。尤爲賊巢要隘。其守拒必更加嚴。或可需用之處。不妨存此法。以便緩急。

同日阿桂明亮奏言。臣等檢查舊案。自前年八

月進剿小金川官兵。欽奉。

恩旨議叙者。尚有至今未經送部之案。其陣亡帶傷

例應請卹者。前任統兵總督。從未辦理送部。臣

等思陣亡帶傷各官兵。本屬衆所共知。其受傷
弁兵。從前業經驗明。每名皆先給銀一二兩。以
爲養傷之用。則得傷輕重。均有檔籍可稽。不致
冒濫。現在臣等復令各鎮將等詳悉確查。送部
核議。庶在事陣傷亡故之官兵。均沾

體卹。倍加感奮。奏入。報

聞。

丁亥劉秉恬奏言。查川省官兵。除調赴三路軍營之外。存營者實屬無幾。所有陣傷亡故各缺。均以新兵拔補。川省本無餘丁。近日所出之缺。已有移回原營補額者。第募補兵額。不過以人數充兵數。虛糜錢糧。於營伍實屬無濟。臣擬於口內口外一帶。先行招募精壯新兵五百名。前

赴簇拉角克。每日督令教習技藝。以資拔補額
缺。至前歲所募新兵。緣係甫經入伍。未及操練。
今令預期選派前來。時加簡閱。則勇銳之氣方
新。攻擊之能漸熟。如果辦有成效。臣再酌量所
缺兵數。續行招募演習。以收攻勦之利。則兵數
不致濫招。兵力皆歸實用。於軍務似爲有裨。再
該兵等未經補額之先。有防守之責。其應得銀

米。卽照前歲新兵之例。一體辦理奏入。

上嘉之。

六月辛卯。溫福。海蘭察奏言。臣等十五日。派副

都統普爾普。由山梁新拏之卡。攀援先登。至橫

牆左近。掩攻。副都統額森特等。亦由山梁新卡。

越過山溝前進。臣海蘭察等分兵二隊。於十六

日子刻。俱各起程。普爾普潛至橫牆礮根左近。

賊衆知覺。放鎗擲石。又經大雨泥濘難上。撤兵。

而回。維時臣等先將攻取橫壻日期。密諭阿爾

蘇納等。同刻進兵。攻取對面山峯賊柵。亦於十

六日黎明。分作三路前進。賊番放鎗擲石。迎拒

尤爲緊密。官兵毫無退避。殺賊甚多。惟因木柵

甚固。地勢甚狹。我兵緩行撤退。有賊二百餘人。

從林繞出來。斷歸路。官兵併力上前。殺死賊番

十餘。山溝內又有二百餘賊。前來衝突。亦殺死
十數名。餘賊盡皆遠竄。再提督牛天昇等。請於
是月十二日進兵攻取功噶爾拉山口。臣等卽
派副護軍叅領巴彥泰帶兵往助。今據牛天昇
報稱。是日丑刻。帶兵前至賊礮。遇有二十餘賊。
官兵迎擊。掩殺大半。礮內賊人知覺。死守。天明
撤回。奏入。

上諭軍機大臣曰。溫福等奏攻勦昔嶺及達扎克角。

木柵。均有賊出寨邀截官兵。是賊番竟敢公然打
仗。實爲可恨。必當勦洗淨盡。不可稍有游移。至軍
需銀兩。共撥二千九百萬兩。約計用至明年四五
月。儘屬寬餘。設或以多費爲可惜。中止撤兵。賊必
併吞各土司。聯而爲一。直闖至維州橋。其時豈能
置之不問。是現在所用。盡爲虛擲。又須另起爐竈。

所費必更不貲。而辦理倍難。謀國者斷不應出此。卽或急切未能蕝事。但能掃蕩擒殲。爲一勞永逸之計。卽使再多費一千萬兩。朕亦不靳。溫福阿桂豐昇額等。各宜深體朕意。

同日。

上諭軍機大臣曰。溫福等請將烏什哈達所遺頭等侍衛員缺。著額爾特補授。其所遺二等侍衛員缺。

著寧珠布補授。寧珠布所遺三等侍衛員缺。著庫

爾德補授。庫爾德所遺藍翎侍衛員缺。著獎賞花

翎前鋒綽爾齊喀補授。再海祿所遺前鋒叅領員

缺。著巴延泰補授。巴延泰所遺副護軍叅領員缺

著愛崇阿補授。愛崇阿所遺委署烏鎗護軍叅領

員缺。著常通補授。常通所遺前鋒校員缺。著烏鎗

藍翎長達崇阿補授。又柰拉爾圖所遺護軍校員

平定回疆方略卷之六十一
二
缺。著空翎護軍雙喜補授等語。均照所請。各該營
旗。遇有缺出。卽行調補。

上又諭軍機大臣曰。現今三路官兵。攻取賊番碉卡。
奮勉出力。自當將花翎藍翎分別獎賞。用昭鼓勵。
其從前賞給備用者。料已無多。溫福阿桂豐昇額
三路。著各給花翎五枝。藍翎十枝。以備賞賜。

上又諭軍機大臣曰。富勒渾奏黔兵未起。已於五月

十八日到成都。令其赴明郭宗。聽候軍營調撥等

語。明郭宗至昔嶺甚便。自應添撥往彼。俾得剋期

集事。再富勒渾奏。前次拏獲逃兵二十名。現已審

明正法。今又續獲五名等語。逃兵就獲。駢誅至二

十餘人。亦覺不忍。然因此稍爲姑息。則兵丁不知

儆畏。犯者愈衆。劉秉恬富勒渾仍須上緊嚴拏。勿

謂朕意在好生。稍爲寬懈也。

乙未。富勒渾奏言。據站員洪成鼎報。本月十九日至二十一等日大雨如注。山水陡發。該站之

木橋索橋。及東岸河坎。盡被沖塌。現在飛調夫匠。星夜趕修。恐一時驟難告竣。文報往來。趕辦溜索接遞。仍於對岸暫撥夫馬。伺候遞送等語。

又據統領黔兵副將官福稟稱。本月二十日夜頭起黔兵。抵格節薩站。山水漲發。兵丁間有淹

與沒軍裝行李亦多沖失。五卽飭將備等於所到

水處所暫行分住。並飛札站員分段趕修橋道。其
被水商民兵夫人等酌加撫卹。現在親赴格節
薩站履勘情形。奏人。

上諭軍機大臣曰。軍報往來最關緊要。且有新添之
兵。正需速進。自應趕修完固。務使軍儲源源接運。
黔兵得利遄行。方爲妥善。至所調黔兵二千名。俟

平定回疆方略卷之六十一
三
橋道修完。卽令迅速前赴昔嶺軍營。毋得刻緩。

上又諭軍機大臣曰。富勒渾奏頭起黔兵。夜間被山

水淹沒。已諭富勒渾查明被淹姓名咨部照陣亡

例減半賞卹。其漂失軍裝行李。亦令查明添補。此

等爲國出力之人。自當予以體恤。但恐狡黠之徒

水漲時躲匿得免。水退後潛行竄回。是其情罪。卽

與逃軍無異。除逗遛川省者。富勒渾上緊嚴緝外。

着圖思德於各兵本營本籍嚴飭各地方官留心
密跡。

丙申阿桂明亮奏言。臣等思西山梁第三礮卡。

前此官兵攻打殺戮頗多。賊番已覺窘惶。自應
乘其氣沮。仍從此奮力撲攻。當於十四日夜。派
兵四路。十五日丑時。先後潛進。直逼礮卡木柵。
力砍溝邊欄木。卽以砍斷木植橫搭溝上。以便

越過卯刻有賊番三百餘繞截而來官兵放鎗
立斃數賊其納圍後面東邊箐林內又有賊百
餘潛來我兵俟其將近鎗箭齊發殲斃二十餘
人。臣等復同等議西山梁第三礮賊番拒守更
爲堅固自應另籌攻取之策查納札木第二礮
與第三礮之間賊番又添大石卡一座若黑夜
派兵直取此卡出其不意一得此處可以斷賊

往來。至第一雙礮陰坡之下。又於箐林內。晒有

小路。可以繞越雙礮之後。臣等擬於西山梁及

納札木。仍派官兵奮力明攻。而令繞越之兵俟

攻打緊急時。突起夾攻。可望得手。現于附近第

三礮之處。連拏木柵三座。使賊日夜不能休息。

而我兵不拘何時。可以一發卽至。賊番自必更

爲窘迫。奏入報。

聞。

同日阿桂明亮奏言。當噶爾拉山梁陰坡正西
有深嘉卜一處。係布拉克底地方。與金川接壤
若派兵潛往。循溝而出。即可襲取山梁後之克
舟九寨。臣等擬於軍營內。抽出精銳官兵三四
千名。密由深嘉卜繞出。乘其不意。再向僧達一
帶。分路攻打。則賊番腹背受攻。必至顧此失彼

易於克取。查軍營兵力。本不敷直下山梁之用。今經抽撥。難免力單。且采入後亦須隨進之兵。
臣等仰懇

天恩。將新調黔兵二千名。撥給當噶爾拉一路。則繼進有兵。攻取益爲得力。

同日。阿桂奏言。臣查三雜谷土司。派兵助剿。近

日頗爲出力。而卓克采之女。已經亡故。親情斷

絕。因思三雜谷地方。毘連丹壩。總兵五福在彼
駐扎。與其坐守該處。不如酌派丹壩及雜谷土
兵。乘其無備之時。突往襲取。如能搶得一礮一
卡。固可張揚聲勢。卽兵力不能佔守。撤回亦屬
無妨。如此。則賊番不能不分兵防守。亦可牽綴
其勢。因諭該頭人等。令聽五鎮調用。均稱情愿。
領諾而去。如果三雜谷及丹壩土兵。能乘間攻

打一兩處。則賊酋之勢必分。而三雜谷丹壩各
土司。益可驗其無往來勾通之弊。均奏入。

上諭軍機大臣曰。僧達一路。朕於春間檢閱全圖時。
覺其地勢稍平。且距噶拉依相近。曾經指詢。自應
乘此機會。妥協籌辦。至所調黔兵三千。已全赴溫
福軍營備用。今阿桂現辦繞路進攻。卽照所請。准
其調取應用。阿桂於黔兵到後。卽應奮力勦擊。乘

勝深入。設或仍係相持多延時日。則阿桂又當分撥一半。令速赴溫福軍營。以供分剿之用。總之所調黔兵。惟期用之得當。於事有益。朕日望各路將軍。迅奏膚功。並無岐視。將軍等亦當深體朕意。不得稍分畛域。

上又諭軍機大臣曰。阿桂奏維谷地方。毘連丹壩。總兵五福在彼駐扎。已諭該頭人等。以五鎮如有派

調土兵之處。卽可聽其調撥。所見亦是。土司等果
屬恭順。派令攻奪碉卡。自皆聽從出力。但旣係官
派。卽不便不兼派內地兵丁。未免又分兵勢。因思
番性貪得而勇于私鬪。若餌以攻而有利。當無不
踴躍爭先。將軍等可妥協籌辦。

同日。阿桂。明亮。奏言。臣等接奉

廷寄。

指示鳥鎗打仗之理。實爲至精至當。查賊番所設礮
卡。多在峯巒之上。故礮外溝濠之底。比官兵攀

越之路尚高。且將刨出之土。堆積如牆。其上挖

有鎗眼。賊番不必露出頭面。已可擊打。且又一

線細路。陡峭險仄。僅能魚貫而登。其四面可上。

並可順溝兩頭轟擊者。百不一遇。所以此地用

兵之難。實不能以言語形容。至於露出頭面之

賊已每次皆有殲戮。茲蒙

皇上訓示。臣等審察地勢。指示官兵遵辦。奏入報

聞。

同日。豐昇額舒常奏言。臣豐昇額查看達爾圖

一帶路徑。積雪全消。若分隊進攻。使賊番接應

不暇。必有一處得手。遂於十六日夜分派官兵。

令巴延泰等進攻達爾圖第四五礮卡。官達色

等攻第二三礮卡。富爾賽等進攻頭敵大礮。臣

豐昇額等各帶兵接應。十七日子刻。官達色等

所攻第二三礮卡。已將兩座木柵攻開。並將柵

內賊番全數殲戮。其頭敵大礮一路。官兵一齊

攻上。亦將護礮卡之外柵砍斷。約有四五百賊。

忽從礮後分爲數股突出。希圖抄斷。臣等督令

各隊官兵。首尾迎擊。戮賊四五十名。受傷逃竄。

者無數。至臣舒常。于十五日。接准豐昇額密札。

約於是日同時進攻。牽綴賊勢。臣卽派一隊官

兵。由正路壓下。南北兩隊。潛伏箐林。子刻前進。

賊番狡猾。總不敢出碉抗拒。臣令南北兩隊突

出。齊至碉邊。賊番情急。露身堵禦。當被官兵擊

斃數人。奏入報

聞。

丁酉溫福海蘭察奏言。臣等察看昔嶺高峯賊

窠穴橫墻雖將大礮摧損大半。而周圍溝內

隱藏之賊。必須造至高礮臺。往下攻打。方可痛

殲。數日連雨未晴。臣等乘此斫伐長大木料。察

看附近賊溝之旁。得一土阜。一面打仗。一面造

臺。約有四五丈之高。雖比賊峯稍低。而攻打已

覺得力。再達扎克角對面高處。賊番木柵。雖可

由兩邊密林內進攻。但究須下崖。向上攻打。臣
等派副都統阿爾素訥等。亦照昔嶺之法。於土
阜上起造至高礮臺。賊衆望見。情形窘迫。日間
仍舊隱藏。不敢出戰。而每逢早晚雨霧。卽有賊
數百人。捨命來擾。皆被我兵衝殺。或死或傷。旋
行敗遁。奏入

上嘉之。

同日溫福奏言。五月十八日。守卡遊擊王滇將

從金川脫出之小金川番人阿忠榮綳二名。押

送至營。臣當加詳訊。據該番等供稱。阿忠係色

納木雅寨人。榮綳係札布寨人。去年土司差往

金川。今從喀爾薩爾繞過衮布里脫出現在昔

嶺有頭人把守。并噶拉依勒烏圍兩處喇嘛。共

一千多人。幫同打仗。又有許多喇嘛。在噶拉依

寺裏。每日念經呪詛官兵。臣查該番雖稱各有

妻子在本寨居住。但久留賊境。未便遽行遣回。

現在令其留營。派人管束。一面確查該番等兩

寨情形。另行酌辦。奏入。

上諭軍機大臣曰。溫福等趕築礮臺。俯擊礮根及溝中之賊。籌辦甚是。阿桂豐昇額兩處。量其地勢。有可倣此辦理者。亦當依法爲之。又據奏脫出小金

川番人阿忠等。供稱賊酋令喇嘛每日念經呪詛官兵。此所謂邪不勝正。惟當各持定見。不以么磨外道爲意。其術自無所施。官兵等若已聞之。將軍等當以此明白切示。若無所聞。嗣後遇有此等供詞。但密存之。勿令營中傳說。致惑衆聽。

上諭內閣曰。武爾泰著補授副護軍叅領。所遺委署護軍叅領員缺。著社洪阿補授。社洪阿所遺烏鎗

護軍校員缺著前鋒藍翎長噶里補授。

同日劉秉恬奏言臣前因功噶爾拉地方險要。

是以奏請將黔兵調赴功噶爾拉以資攻取。茲

副將軍阿桂既經奏明現覓間路進攻急需兵

力飛行檄調前來。臣查當噶爾拉一路覓間進

兵既有可乘之機卽有難緩之勢惟兵力合之則強分之則弱此項黔兵祇可統歸一路似未

便再行分撥。至將軍溫福一路。所佔地勢廣闊。亦有急需兵力之勢。查貴州巡撫圖思德前次接奉

諭旨。業已預備三千。除已調二千外。尚餘一千。可否一併調取。以資進攻。奏入。

上諭軍機大臣曰。劉秉恬奏溫福一路。所佔地勢廣闊。亦有急需兵力之勢。請將黔省預備兵一千名。

一併調取。所奏甚是。已飛諭圖思德。令將此項官兵。迅飭起程。馳赴軍營應用矣。軍營消息。賊番每易探知。今聞我軍需銀兩。續撥寬餘。各路官兵。源源繼進。更足令逆酋喪膽。番衆離心。但古人用兵。大率號稱十萬。以張軍聲。如添調一千。不妨號作五千。將軍等當善爲籌計行之。

同日。

上諭內閣曰。前因牛天畀陞任提督。所遺川北鎮總
兵員缺。傳諭溫福等在軍營內揀選出力副將一
員奏補。今據奏到查有貴州定廣協副將成德。屢
著勞績。請陞補四川川北鎮總兵。所遺副將員缺。
查有貴州丹江營叅將握星泰。奮勉出力。請陞補
副將。其叅將員缺。又查有建武營遊擊沈寬。熟悉
番情。亦能奮勇。且係遇缺卽補之員。應請卽行補

用等語。均照所請補授。以示鼓勵。該部知道。